

Аз же не токмо монастырем предстоявших обретаю последнее нестяжание, по заповеди, возлюбивших, но и самех во архиерейство восиавших, имь же от святых правил попускается некако стяжание движимая и недвижимая дръжати, и сиа бо угодне устраати, и изнуряти икономы, сииречь строителями, в потребах нищих и скудных, и вдовах, и сир, и приходящих странник, якоже повелеваю || грозными прещеними святая правила седмых събор. И свидетельствует слову нашему сам великий Василей в правилной второй епистолии, еже к блаженному Амфилохию в начале. Иже прощения себе прося от Амфилохиа о опоздании⁶⁷ епистолии, сицева пишет к нему: «Отдавна отвещав к предложеным⁶⁸ мне от твоего благоговеньства вопросим, не послах писание, — ова убо от недуга долгаго и беднаго възбраняем, ово же от еже не имети служащих. Малы бо у⁶⁹ нас и ниже искусны, ни уготовлены к сицевым служением». От⁷⁰ апостальскаго жительствова мужа мудрования служащих не имети себе присвидетельствовать сицевый толь преславный, приличных⁷¹ к пренесению писаниам и путешествия искусных! Пред нынешними же святители колико и коль украшены предстоять, готовы на всяко мановение владык своих! Не токмо же сие, но и множество батогоносных не мало себе учинивше, и теми бьют, и мучат и различне досажают прящимся пред ними священникомъ же и миря||ном. Но и божественый Григорий Богослов туже нищету пресвидетельствует великому Василию во многих местех надгробнаго слова, но⁷² и вящше, в них же вводит епарха, Модеста именем, претяща великому Василию грабленни,⁷³ и заточением, и многим иным казнением. «Аще чим иным можеша, запрещай, о епархе! — отвеща блаженный — от сих бо ничтоже нам прикасается». И епарху вину вопросившу, блаженный рече Василей: «Зане граблением убо не ят бывает, иже ничто же имеет, разве не сих требуещи власеных моих рубишь и книг малых, в них же весь мой живот есть». Еда разуместе ли кто весь живот блаженаго сего мужа бе, или еще требуете иных свидетельствех?⁷⁴ Но в епистолии убо, еже к Амфилохию слугов⁷⁵ не име, рече, приличных к пренесению писаниа⁷⁶ и путешествия искусных, к епарху, паки, отвеща, власныа точию рубища и мало книги имети. Блаженный же Иоанн Милостивый толико възлюби еже о бозе убогство⁷⁷ и нищету, аще и сице многостыжательныа⁷⁸ церкви || предстатель бе, и яко шубы едины⁷⁹ потребовав понудися прияти ю от некоего богатаго куплену 30 и 6-ми златы, ею же во едину ночь токмо обвився, наутри продатися ю повеле и нищим роздатися цене ея, якоже в житии его⁸⁰ слышим. Той же, егда оставив Александрию в Кипр отплув,⁸¹ и познав себе уже от житиа настоашаго преходити имеюща к вечной жизни, сицева списа в своей духовней: «И благодарю тебе, господи боже мой, яко сподобил мя еси твоя к⁸² тебе принести и ниедино⁸³ что ино мне в животе остатися, токмо третие⁸⁴ от злата, еже убо сие нищим о Христе братии моеи⁸⁵ дается повелеваю. Егда бо, по повелению божию, александрияном епискуп⁸⁶ поставлен бых,⁸⁷ близ 8 тысяща литр злата в епискупии моеи сушня обретох; от приношениа же боголюбивых муж много сугубна сих собрах имениа, яже Христу суща ведя, Христу и дати усердьствовах, ему же ныне и душу предаю». Да слышим и уразумеем апостоломудреных онех' муж милосердие и попечение еже имеаху || к нищим и

л. 275 об.

л. 276

л. 276 об.

л. 277

⁶⁷ Так С₁С₂С₃; в ркп. подании. ⁶⁸ Так С₁С₂С₃; в ркп. прежним. ⁶⁹ Доб. из С₁С₂С₃. ⁷⁰ О С₁С₂С₃. ⁷¹ Так С₁С₂С₃; в ркп. и приличный. ⁷² и ина С₁С₂С₃. ⁷³ граблением С₁С₂С₃. ⁷⁴ свидетелей С₁С₂С₃. ⁷⁵ служащих С₁С₂С₃. ⁷⁶ писаниам С₁С₂С₃. ⁷⁷ убожество С₁С₂С₃. ⁷⁸ Так С₁С₂С₃; в ркп. многостыжательных. ⁷⁹ единая С₁С₂С₃. ⁸⁰ Так С₁С₂С₃; в ркп. ея. ⁸¹ отплав С₁С₂С₃. ⁸² Нет С₁С₂С₃. ⁸³ Так С₁С₂С₃; в ркп. ниеди. ⁸⁴ три С₁С₂С₃. ⁸⁵ Так С₁С₂С₃; в ркп. моим. ⁸⁶⁻⁸⁷ бысть С₁С₂С₃.